

Headlines

* وزیر اعظم نریندر مودی غی رہنمائی مانہہ گاندھی جینتی تیں پہلاں صفائی مہم ملک پہر مانہہ چلائی گئی۔ ملک پہر مانہہ تقریباً 7 لکھ سو چھتاہی سیوا غا ناں نال تقریب منعقد کی گئیں۔

* سو چھتاہی سیوا مہم اک جن انڈولن بن گئی ہے۔ تے ایل جی مو صوف نے جموں کشمیر نانہہ او ڈی ایف پلس درجو ملن ور مبارکباد پیش کی ہے۔

* بھارتیہ شمسی مشن ادتیہ ایل ون زمین کرہ نانہہ کامیابی نال چھوڑیو گیو ہے۔

* لیفٹنٹ گورنر منوج سنہا نے سٹیٹ ٹیکس محکمہ نانہہ ٹیکس غا نظام نانہہ آسان بنان واسطے مبارکباد دتی ہے۔

<><><><><><><><>

Prime Minister Swachhata

وزیر اعظم نریندر مودی نے اج صفائی ستھرائی غی بڑی مہم مانہہ شامل ہو گے سو چھتاہی سیوا ابھیان مانہہ ملک غی قیادت کی۔ وزیر اعظم تندرستی غی حوصلہ افزائی کرن آلا انکت بیان پوریہ غے نال اس مہم مانہہ شامل ہوا تے کوڑو کرکٹ تے کچرو صاف کیو۔ صفائی ستھرائی واسطے اک تاریخ اک گھنٹو اک ساتھ پہل غا حصہ غے طور ور وزیر اعظم نریندر مودی غی پُر زور اپیل غا تناظر مانہہ اک ملک پہر مانہہ لوکاں نے صفائی ستھرائی غی بڑی مہم مانہہ حصولیو۔ زندگی غا تمام شعباں نال وابستہ لوکاں نے بازاراں ، ریل پٹریاں، آبی ذخائر، سیاحتی مقامات تے عبادت گاہاں سمیت عوامی مقامات ور صفائی ستھرائی کی سرگرمیاں مانہہ حصولیو۔ قومی راجدھانی مانہہ بی جے پی صدر جے پی نڈا مرکزی وزیر دھرمیندر پردھان، ڈاکٹر جتندر سنگھ، ہر دیپ سنگھ پوری میناکشی لیکھی، راجیو چندر شیکھر تے دوجا رہنماواں نے سوچھتا ابھیان مانہہ حصولیو۔ صفائی ستھرائی غی بڑی مہم غے تحت ملک غا شہری تے دیہی علاقاں تیں شرم دان واسطے 6 لکھ 40 ہزار تیں متی تھار چنی گئی تھیں۔

<><><><><><><><>

LG Swachhata Hi Seva

لیفٹنٹ گورنر منوج سنہا نے اج ڈل جھیل مانہہ کچرا نانہہ باہر کڈن تے صفائی ستھرائی غی مہم مانہہ اک گھنٹا غو حصولیو۔ اُن نے اج بکھ بکھ مقامی شہریاں جھپڑا جے مہا تمہ گا ندھی جی نانہہ سو چھ انجالی اُن غا جنم تہاڑہ ور پیش کرن اکھٹا ہوا تھا اُن نال شرکت کی۔ اُن نے ات موجود لوکاں نانہہ کہیو جے وے بھارت نانہہ کچرا تیں آزاد بنان مانہہ اپنی پُر زور کو شش کریں۔ اُن نے کہیو جے وزیر اعظم غی سربراہی مانہہ سو چھتاہی سیوا مہم اج جموں کشمیر مانہہ اک جن انڈولن بن گئی ہے۔ ایل جی مو صوف نے کہیو جے یاہ ہم سب غی ذمہ داری بنے جے ہم اپنا اردگر غا ماحول جھیل تے دریاواں نانہہ کوڑا کچرا تیں صاف رکھاں تے اس صفائی بیداری مہم نانہہ اگے بدہاواں۔ لیفٹنٹ گورنر نے مقامی شہریاں تے انتظامیہ نانہہ 100 فیصد گرانیاں نانہہ ماڈل ذمہ مانہہ او ڈی ایف پلس درجو ملن ور مبارکباد پیش کی تے اُن نے کہیو جے یوہ ترقی آئے پا سے اک نووں سنگ میل ہے۔

MP Jugal

ملک پہر غا باقی حصال غی طرح جموں خطہ مانہ سو چھتا ہی سیوا مہم ”اک تاریخ اک گھنٹہ، اک ساتھ“ غا نعرہ نال بکھ بکھ جگہاں ور چلائی گئی۔ جس مانہ اج بس اڈھا جموں ور پارلیمانی رکن جگل کشور شرما نے صفائی ستھرائی غی مہم مانہ حصولیو۔ اس موقعہ ور بولتاں واں جگل کشور شرما نے اس طرح کہیو۔۔۔ بائیٹ۔۔۔ اس طرح مرکزی اطلاع نے ضلع پونچھ مانہ سبھاش چندر باغ پرائی پونچھ مانہ سو چھتا ہی سیوا مہم غی شروعات کی۔ ضلع ڈوڈھ مانہ وی مقامی لوکاں تے اسکولی بچاں نے صفائی مہم اک ریلی کی شکل مانہ کڈی۔ ضلع کٹھوعہ مانہ وی ضلع ترقیاتی کمشنر راکیش منہاس نے وی اس بڑی صفائی مہم چلائی۔ ضلع سانہ مانہ ضلع ترقیاتی کمشنر ابھیشیک شرما نے اک صفائی مہم چلاتاں واں کہیو جے یو ہم سب غو فرض بنے جے ہم اپنا ارد گرد غا ماحول نانہ صاف رکھاں۔ اُنکاں ضلع ادھم پور غی ضلع ترقیاتی کمشنر سلونی رائے نے کہیو جے ضلع غے اندر تقریباً 7 ہزار جگہاں ور مقامی لوکاں نے صفائی مہم مانہ حصولیو لے گے اپنے ارد گرد غا ماحول نانہ صاف رکھن مانہ اپنو فرض نبھایو۔



PM Modi

تلنگانہ گا مہا بھ نگر مانہ وزیر اعظم نریندرمودی نے مچ سارا ترقیاتی کماں غو نی پتھر رکھیو جن غی لاگت تقریباً 13 ہزار 5 سو کروڑ ہے۔ اک اجتماع نال خطاب کرتاں واں اُن نے کہیو جے تہواراں غو سمو شروع ہوتاں ہی ہم نے پارلیمان مانہ کانسریاں غا تخصاںص با رے بل پیش کر غے شکتی غو اک نووں جذبہ قائم کیو ہے۔ اس تیں علا وہ بولتاں واں اُن نے کہیو جے تلنگانہ غا کسان اک بڑی تعداد مانہ بلدی غی پیداوار کریں جہیڑی جے ات استعمال کرن غے با وجود برآمد وی کی جائے۔ اُن نے کہیو جے کوویڈ تیں بعد بلدی غی مانگ عالمی سطح ور بدھ گئی تھی۔ اُن نے کہیو جے اس با رے بو روی توجو دین غی لوڑ ہے۔ جس نال بلدی غی پیداوار بدھائی تے برآمد وی کی جا سکے۔ اُن نے کہیو جے تلنگانہ ریاست غی سڑکاں تے رسائی غا ذرنعاں ور خاص توجو دین غی ضرورت ہے جس نال یہ ریاست عالمی منڈیاں مانہ اپنو مقام بنا سکیں۔



Solar Mission

وزیر نریندرمودی نے کہیو ہے جے مہارو شمسی مشن ادتیا ایل ون نے زمینی کرہ نانہ 9 عشاریہ 2 لکھ کلو میٹر صفر طے کر غے اپنا ایل ون لگرنگ پوائنٹ آلیے پاسے چل پایو ہے۔ جہیڑو جے زمین تیں 1 عشاریہ 5 ملین کلو میٹر دور ہے۔ 1 سو 10 تہاڑاں تیں بعد اک خلائی راکٹ غی مدد سنگ اس نانہ ایل ون آلا پاسے چھوڑ دتو گیو ہے۔ ادیہ ایل ون بھارتیہ خلائی غو شمسی مشن گو مشابدو کرن آلو پہلو مشن ہے۔ جہیڑو ستمبر 2 نانہ چھوڑو گیو تھو۔ اس غے نال روشنی غا کرہ ۔ کرہ لوہ تے کو رنا غی جانچ کرے گو۔



School Timing

جموں کشمیر تے سرینگر میو نسپل حدود غے اندر تے جموں غا گرمانی زون غے اندر آن آلا تمام تعلیمی اداراں غا تدریسی اوقات مانہہ تبدیلی غی ہدائیت کیہے۔ آکا شوانی جموں غا نمائندہ نے دسیو ہے جے جموں کشمیر غی محکمہ اسکولی تعلیم غی ڈائریکٹوریٹ غی طرفوں جا ری کیا گیا علیحدہ حکم نامہ غے مطابق آج یعنی پہلی اکتوبر تیں اسکولاں غا تدریسی اوقات سویرے 9 بجے تیں پیشی 3 بجے توڑی مقرر کیا گیا ہیں۔ البتہ گرانیں علاقہ قان غے تحت آن علاقہ مانہہ وی اسکولی تدریسی اوقات سویرے 10 بجے تیں شام 4 بجے توڑی مقرر کیو گیو ہے۔ اس حکم نامہ مانہہ کہیو گیو ہے جے طے کیا گئے ان اسکولی اوقات غی خلاف ورزی کرن آلا تعلیمی اداراں غے خلاف قانونی کا روانی کی جائے گی۔

<><><><><><><><><><>

یہ خبر تم آکا شوانی جموں تیں سن رہیا ہیں خبراں غا باقی حصہ نال عبدالمجید۔

LG - GST

کرتاویا (کارپوریشن) غے تحت جموں کشمیر اسٹیٹ ٹیکس ڈیپارٹمنٹ غا بھارتی چارٹر اکاؤنٹنٹس غا ادارہ نال مفاہمت نامہ ور دستخط کرن ور جموں کشمیر ٹیکس محکمہ مانہہ لیفٹنٹ گورنر منوج سنہا نے آج مبارک باد دتی ہے۔ یاد رہے جے کرتاویا ٹیکس بارے بیداری غو اک قدم ہے۔ جانکاری سانجھی کرن محکمہ غی صلاحیت سازی، تے صاف و شفاف باصلاحیت تے بلا واسطہ ٹیکس نظام قائم کرن واسطے ایس کے آئی سی سی سرینگر مانہہ اس مفاہمت نامہ ور دستخط کیا گیا۔ ایل جی نے میرا بل میرا ادھیکار مقابلو جتن آلاں مانہہ مبارک باد پیش کی۔ تے اس موقع ور بولتاں واں انہاں نے کہیو جے جموں کشمیر جی ایس ٹی مانہہ مالی باندو قومی سطح غا اوسط تیں زیادہ ہے تے یوہ گذشتہ کچھ بہراں مانہہ کی گئی اس متعلق نظام مانہہ صلاحیت غو نتیجہ ہے۔ انہاں نے کہیو جے نویں پالیسی حکومت سازی مانہہ بہت زیادہ شفافیت نال صنعت نواں کاروبار مانہہ باندو مل رہیو ہے۔ ایل جی نے جموں کشمیر ایمانداری نال ٹیکس ادا کرن آلاں غا تعاون غی تعریف کی تے جموں کشمیر غا ٹیکس محکمہ غی طرفوں ٹیکس ادا کرن غا سلسلہ مانہہ آسانی واسطے وی محکمہ کی تعریف کی۔ انہاں نے محکمہ تے جموں کشمیر غا شہریاں ور زور پایو جے وے جموں کشمیر مانہہ ویکسٹ بھارت غو اک انجن بنان تے اس مانہہ صنعت کاری آلے پاسے آگے لے جان مانہہ اپنو مثبت کردار ادا کریں۔ اس موقع ور چیف سیکریٹری ڈاکٹر ارون کمار مہتہ، مالی محکمہ گارنٹس پرنسپل سیکریٹری سنتوش ڈی ویدیا، کمشنر سٹیٹ ٹیکس ڈیپارٹمنٹ ڈی آر رشمی سنگھ سمیت دوجا عہدایدار موجود دتھا۔

<><><><><><><><><><>

GST E Gaming

آج یعنی یکم اکتوبر تیں آن لائن گیمینگ کمپنی شرط غی کل قیمت ور 28 فیصدی اشیاء تے خدمات بارے ٹیکس وصول کریں گی۔ جد کہ بغیر آن لائن غے آف شور پلیٹ فارم بھارت مانہہ چالو رکھن واسطے جی ایس ٹی اندراج ضروری ہووے گو۔ مرکزی جی ایس ٹی ایکٹ مانہہ تبدیلیاں غے مطابق آن لائن گیمنگ جوا خانہ تے گھوڑا دوڑ ور وی قمار بازی لاٹری جوا بازی غی طرزور قانونی کا روانی گئے لائق دعوی عمل مانہہ آتیا جائیں گا۔ ٹیکس غی رقم غی واگذاری بارے بندوبست تے اندراج متعلق تعمیل کرن مانہہ ناکام رہن غی صورت مانہہ غیر ملکی پلیٹ فارمس تک رسائی ور روک لائو وی اس ترمیم مانہہ شامل ہے۔

MP Khatana

وزیر اعظم نریندر مو دی غی اک تاریخ اک گھنٹہ مہم جس غو مقصد بھارت پھر مانہہ صفائی ستھرائی نانہہ بابدو دینو ہے، مانہہ اج بی جے پی غا راجیہ سبھا مانہہ ممبر پارلیمان انجنئر غلام علی کھٹانہ نے پونچھ مانہہ صفائی مہم مانہہ حصو لیو۔ جناب کھٹانہ نے اس موقعہ ور کہیو کہ گردو نواح نانہہ صاف ستھرو رکھنو ہی مہا تمہ گاندھی جی نانہہ اصلی سوچہ آنجلی ہے جن نے اپنی زندگی بروبری، امن تے عدم تشدد واسطے وقف کی۔

<><><><><><><><><>

FC Home

سو چھتا پکھواڑہ سوچھتا ہی سیوا ا غا اک حصہ غے طور ور سینٹریل جیل سرینگر مانہہ فائٹنگ کمیونٹی اے سی ایس، ہوم ڈیپارٹمنٹ آر کے گوئل غی طرفوں صفائی تے بوٹا لان غی مہم چلائی گئی۔ اس مہم غو مقصد بھارت نانہہ کوڑہ کرکٹ تیں صاف بنان تے سوچھتا ہی سیوا گو سنیو دینو تھو۔ اس مہم مانہہ سی آئی ایس ایف، سی آر پی ایف غا جوانان تے عملا غا افراد نے حصو لیو۔ اس موقع ور جناب گوئل نے صفائی ستھرائی تے سوچھ بھارت ابھیان غی اہمیت بارے دسیو۔

<><><><><><><><><>

CRPF

سوچھ بھارت مشن غے تحت سی آر پی ایف غی 84 ویں ہٹالین نے ضلع رام بن غا بٹوں تے چندر کوٹ مانہہ بڑا پیمانہ ور صفائی مہم چلائی۔ یاه صفائی این رنبریئر سنگھ کمانڈینٹ اے کے دیکشت سیکنڈ این کمانڈ غی سربراہی مانہہ چلائی گئی۔ جس مانہہ 100 تیں متا افسران تے دوجا رینک غا عہدیداران نے حصو لیو۔ بھارت نانہہ کچرا تیں پاک بنان غا عنوان نال صفائی ستھرائی غی مہم 3 بکھ بکھ جگہاں ور قومی شاہرہ 44 غے نال جامع مسجد چندر کوٹ غے کول کال گھاہ کپ گے۔ نالے کوڑو تے کچرو اکھٹو کرتاں واں 200 تیں متا افراد نے حصو لیو جن مانہہ رامبن پو لیس، اسکولی بچہ مقامی لوک شامل تھان۔

<><><><><><><><><>